



Hringbrautarverkefnið – staða framkvæmda

- Kynningarfundur fyrir verktaka, uppsteypuútboð fyrir nýtt þjóðarsjúkrahús
- Framkvæmdir við bílastæði á lóð Landspítala við Kringlu
- Framkvæmdir sunnan og vestan við Eirberg
- Frágangur sunnan við geðdeildarbyggingu Landspítala
- Jarðvinna vegna bílakjallara undir Sóleyjartorg
- Jarðvegsframkvæmdir fyrir nýjum meðferðarkjarna (nýtt þjóðarsjúkrahús)
- Frágangur við bílastæði vestan við Gamla Landspítala

Kynningarfundur fyrir verktaka í uppsteypuútboði á nýju þjóðarsjúkrahúsi



Ásbjörn Jónsson, sviðsstjóri verkefnasviðs NLSH, kynnti uppsteypuverkefnið fyrir hönd NLSH

NLSH stóð nýlega fyrir kynningu, fyrir þau fyrtæki sem þegar hafa verið metin hæf, til að annast framkvæmdina á uppsteypu á nýjum meðferðarkjarna.

Fyrtækin eru Eykt, Íslenskir aðalverktakar, Ístak, ÞG verktakar og Rizzani De Eccher S.P.A. – Rizzani De Eccher Ísland ehf. og Bingvangur ehf., sem bjóða saman í verkið. Uppsteypuverkefnið mun standa yfir í tvö og hálftr ár.

Framkvæmdir við bílastæði á lóð Landspítala við Kringlu



Verið er að ljúka breytingum við bílastæði á lóð Landspítala.

Malbikun er lokið og að steypa kantstein og mála bílastæðalínur.

Frágangi á gönguleið á milli bílastæða er ekki lokið. Þar verður hellulagt og sett snjóbræðsla.

(Sjá nr. 1 á korti)

Framkvæmdir sunnan og vestan við Eirberg



Verið er að klára hellulögn vestan við Eirberg



Unnið er við að þjappa undirlag fyrir hellulagningu

Framkvæmdir við að helluleggja eru langt komnar en eftir er að ganga frá handriðum.

Unnið er við yfirborðsfrágang og lokið hefur verið við gönguleið með snjóbræðslu á milli geðdeildarbyggingar og Eirbergs.

Áætlað er að þessum framkvæmdum ljúki í lok júlí.

(Sjá nr. 2 á korti)

Frágangur sunnan við geðdeildarbyggingu Landspítala



Búið er að ganga frá bílastæðum fyrir hreyfihamlaða við geðdeildarbyggingu Landspítala



Aðalinngangur geðdeilda, búið að ganga frá hellulögn og kansteinum

Búið er að helluleggja og malbika bílastæði fyrir hreyfihamlaði. Eftir er að ganga frá kansteinum og að mála bílastæði.

Eftir er að ganga frá uppsetningu á lömpum á ljósastólpa og það verk klárast fljótlega.

(Sjá nr. 3 á korti)

Jarðvinna vegna bílakjallara undir Sóleyjartorg



Grunnur bílakjallara

Sprengivinnu við grunn bílakjallara er lokið og vinnu við að fjarlægja efni úr vinnurömpum er að ljúka.

Bílakjallarinn verður staðsettur undir Sóleyjartorgi austan við meðferðarkjarna.

Áætlað er að jarðvegsframkvæmdum vegna bílakjallara ljúki um miðjan júlí.

(Sjá nr. 4 á korti)

Jarðvegsframkvæmdir fyrir nýum meðferðarkjarna (nýtt sjúkrahús)



Grunnur fyrir nýju sjúkrahúsi, séð til Læknagarðs



Grunnurinn, séð til austurs að eldri byggingum Landspítala

Vinnu við grunn meðferðarkjarna er lokið.

Við tekur uppsteypa við nýtt þjóðarsjúkrahús en útboð á því verki stendur yfir.

Grunnurinn er um 200 metrar að lengd og um 100 metrar að breidd.

Öll umferð um framkvæmdasvæðið er bönnuð og svæðið er vaktað.

(Sjá nr. 5 á korti)

Frágangur við bílastæði vestan við Gamla Landspítala



Framkvæmdir vestan við Gamla spítala

Frágangi við bílastæði vestan við Landspítala er ekki lokið.
Búið er við að leggja snjóbræðslu og eftir er að vinna við hellulögn.
Einnig á eftir að setja handrið á gönguleið frá bílastæði að Gamla spítala.
Verklok eru áætluð í júlí.
(Sjá nr. 6 á korti)

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmíðum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson verkefnastjóri NLSH, 841 7050 eða netfangið asbjorn@nlsh.is
Aðrar almennar upplýsingar veitir Magnús Heimisson samskiptastjóri NLSH,
866 1378 eða magnus@nlsh.is

Sértækar upplýsingar veitir af hálfu Landspítala Stefán Hrafn Hagalín 897 3644
stefanh@landspitali.is og frá Háskóla Íslands Björn Gíslason 896 0876 bgisla@hi.is